



**Ekaitz Arronategi, Ermuko duatloiko zuzendaria,
eta Jokin Txapartegi, 'Duatloi txiki'ko arduraduna:**

“Gure asmoa Euskadiko duatloi txapelketa antolatzea da”

Ostots Triatloi Kirol Klubak III. Duatloia antolatu du martxoaren 24rako, larunbata. Antolatzaileek diotez, Manolo Méndezek eta Moises Uriartek bidea urratu zuten Ermuan duela 15 bat urte, baina gaur egun duatloi zaleak azkar asko ugartuz doaz. Horren adierazle, Ostots taldeak aurten jaso dituen 9 kide berriak (tartean neska bakarra). 100 boluntario baino gehiagoren laguntza izango dute lasterketa egunean eta duatloiaren bilakaera oso positiboa denez, erronka berriei heltzeko gogotsu daude, hala nola umeentzako duatloi eskola sortzeko.

- Zer dela eta bururatu zitzaien Ostots Triatloi Kirol Klubari 2010ean duatloia antolatzea?

Duatloiak eta triatloiak gustatzen zaizkigu taldekoei eta horiek sustatu nahi genituen. Ez dira futbola bezain kirol ezagunak eta herrira gerturatu nahi genituen. Garai horretan lagun taldea baino ez ginen, eta lehen duatloia antolatu ahal izateko taldea ofizialki sortu behar izan genuen, Ostots Kluba.

- Zenbat lagun behar dira duatloia aurrera atera ahal izateko?

Bakarrik Lasterketa egunean 100 bat lagun behar ditugu, parte-hartzaile eta zirkuituaren segurtasuna bermatzeko, hornidura-gunee-tarako, sarietarako... Kopuru handia da oso, bai biltzeko eta baita kudeatzeko ere.

- Jendea inplikatzeko erreza da?

Hasieran, batez ere, kostatu egiten da. Guk beharrezko ikusten dugun kopurura heltzea zaila izaten da eta azken orduan ibiltzen gara batzuetan. Lasterketa eguna baino lehen zenbat lagun ditugun jakin beharko genuke, baina batzuek ez dute azken momentura arte konprometitu nahi.

- Aurtengoa hirugarrena izango da. Nola baloratzen dituzue aurreko edizioak?

Balorazio positiboa egiten dugu. Antolaketari dagokionez, aurtengoan esperientzia handiagoa dugu, lan-



talde handiagoa eta jendea gehiago inplikatu dela esan dezakegu, hobera egin dugu. Kirolari kopuruari dagokionez, lehenengo urtean 150 lagunek eman zuten izena eta iaz 160k. Aurten, beraz, beste hamar gehiago jaso beharko genituzke, ezta?

- Taldekoek ere Ermuko duatloian parte hartzen duzue?

Asmoa hori da, baina horretarako laguntzaile asko beharko genituzke. Aurten 5 kidek parte hartzea espero dugu!

- Duatloia 17.00etan hasiko da. Zein izango da ibilbidea?

Lehen lasterketak 5 kilometro ditu eta hiri barruan egingo da. Jarraian 20 kilometro egin beharko dira bizikletarekin: Ermua - Malla-bia - San Pedro - Hambre industriagunea - Ermua (10 kilometroko bi itzuli). Azke-

nik, 2,5 kilometro oinez Ermuko kaleetan barrena.

- Umeentzako duatloia, berriz, 12.00etan hasiko da. Zertan datza?

Egunean bertan izena ematen duten umeak hiru kategoriatan banatuko ditugu eta eurei egokitutako ibilbidea egin beharko dute. Iaz 40-50 ume egon ziren, oso kopuru polita da, ea aurten gehiago datozen!

- Zein da lasterketa honen helburua?

Umeen artean duatloia eta triatloia sustatzea. Gainera, futbol eta pilota eskolak dauuden moduan, duatloi eskola sortzea gustatuko litzaiguke Ermuan. Entrenatzaileak eta bitartekoak behar dira, hemen bizikletan ibiltzeko arazo handiak ditugulako eta umeen segurtasuna bermatu beharko genukeelako.

- Momentuz 24ko zitari helbuko diozue. Dena prest?

Gauza batzuk azken aste-
ra arte ezin ditugu egin, bai-
na azaroaren bueltan hasi

ginen prestaketa lanetan. Baimen administratiboak eskatu behar dira Eusko Jaurlaritzan, Udalean, Udal-tzaingean, Ertzaintzan, Euskadiko Triatloi Federazioan... eta horrez gain gure antolaketa lanak daude: zirkuituak, boxak, duatloi txikia... hamaika gauza dago!

- Lan horrek guztiak merezi du?

Bai, duda barik! Herrian duatloia ikustea asko gustatzen zaigu eta bukatutakoan asebeteta sentitzen gara. Ekaitzen kasua ezberdina da, bera lasterketako zuzendaria delako eta hobetzeko mila gauza ikusten dituelako. Duatloia bukatu eta egun batzuk pasatzen direnean berak ere sentsazio bera du.

- Zerk bereizten du Ermuko duatloia gainontzekoetatik?

Alde batetik, etorriko diren kirolarien beharrei erreparatzen diegu hasieratik, hornidura eta sarietan, esaterako. Jasotzen dugun dirua honetan inbertitzen dugu, ez

“Etorriko diren kirolarien beharrei erreparatzen diegu hasieratik”

MENDIOLA
Restaurante - Jatetxea

Erdikokale, 19
Telefona 943 17 22 43

48260 ERMUA
(Bizkaia)

KRABI

Ileapaindegia
Estetika

Tel: 943 03 17 56

Diputazio, 5

ERMUA

daukagu irabazteko asmorik. Bestetik, segurtasuna bermatu nahi dugu, lasterketa segurua nahi dugu, eta horregatik iaz ibilbidea aldatzea erabaki genuen (lehenengo urtean Matienako errotonda berriraino joan behar izan zuten kirolariek). Gure alde daukagu bizikletako ibilbidearen %30 trafikora itxita dagoela eta korrika egiten den bide osoa ere, jakina. Gernikan, esaterako, Nazioarteko duatloia egiten da eta, atzean geratzen diren kirolariak, kotxe artean ibili behar dira.

- **Nazioarteko duatloia antolatu nahiko zenukete Ermuan ere?**

Gure asmoa Euskadiko txapelketa egitea da. Horrek zer eskatzen duen? Ezer ez. Gure duatloia bukatutakoan Federazioko epaileek balorazioa egiten dute urtero. 2010etik 2011ra asko hobeto genuen eta aurten jauzi kualitatiboa emango dugula espero dugu. Gauzak behar den bezala antolatze-

ko gai zarela ikusi behar du Federazioak eta horren arabera baimena ematen dute.

- **Diru-laguntzarik jaso duzue?**

Bai, Udaletik jaso dugu diru-laguntza, baina malabaris-
moak egin behar izan ditugu. Babesle pribatuekin arazo handiak izan ditugu aurten. Gauzak dauden moduan egonda, eskatze hutsa ere kosta egiten da. Agirre Kiro-
lak eta Orbeak asko laguntzen digute, proba janzten, batez ere: banderatoak, arkuak, puzgarriak, barandak... eta gainera Orbeak gu laguntzeko taldetxoak ekartzen digu, dozena bat lagun edo.

- **San Pelaioako parkean burutu zen lehen edizioa. Zergatik aldatu zenuten iaz plazara?**

Bi arrazoi nagusi egon ziren. Alde batetik, espazioak parte-hartzaile kopurua fin-
katzen duelako eta San Pelaion 180 kirolari bakarrik hartu ahal genituen; plazan, berriz, 240 bildu daitezke.

“Kirol honetan ez dizu inork esango balio duzun edo ez”

Bestalde, ikuskizuna herrira hurbildu nahi genuen, tabernan tragoa hartzen ari direnak ere hurbil daitezten.

- **Kaleetako eta plazako eguneroko erritmoa aldatzen duzue. Nola hartzen du jendeak?**

Orokorrean ondo, baina kolaboratzea edo, behintzat, oztoporik ez ipintzea eskatuko genieke, pazientzia izatea.

- **Duatloia modan dago?**

Bai, eta gero eta gehiago: urtero-urtero duatloi eta triatloi lizentziak esponentzialki igotzen dira Euskal Herri eta Estatu mailan ere. Gizartearen edo gazte jendearen ohiturak aldatzen doazela ematen du, gaur egun jende asko ikusten baita kaletik korrika eta errepide eta mendi bizikletan. Baina orokorragoa ere badela uste du-

gu, kirolarekin gertatzen ari den zerbait da.

- **Zer ematen dio kirol honek kirolariari?**

Kirol gogorra dela ematen du eta erronka puntua du. Ez dizu inork esango balio duzun edo ez, norberak ikusi behar du noraino hel daitekeen. Askok irabazteko asmoarekin hartzen dute parte lasterketetan, profesionalek esaterako; beste batzuek norberaren marka eta laguna hausteko hartzen dute parte eta azkenik euren indarrak probatu nahi dituztenak daude, ea bukatzeko gai diren ikusi nahi dutenak. Horiek dira agian gehien disfrutatzen dutenak.

- **Neska asko aritzen da duatloian?**

Aurten Ermuan lan egiten duen Mungiako neska batek eman du izena taldean eta aurretik ere beste neska bat izan genuen. Lasterketetan gero eta gehiago daude, baina mutilekin alderatuta... kopuru minimoa da. Duela aste batzuk Eibarko duatloian dozena bat neska egon ziren eta 180 bat mutil, pentsa!

- **Zer egin behar da Ostotseko kide izateko?**

Guregana hurbildu, besterik ez. Gure asmoa gero eta lagun gehiago biltzea da. Gure webgunean (ermukostotstk2.blogspot.com) informazioa ikus daiteke eta izena ematen duen jendeari duatloian laguntzeko eskatzen diogu bakarrik.

Dorleta Vidal



ONTINDIA HARATEGIA

Etxean egindako
odoloste eta txorizoak



Kantabria zeharbidea 1
48260 - ERMUA

Tel. 943 10 85 44
Mug. 678 64 85 41



·Teak eta kafeak.
·Belgiako txokolata.
·Eguneko tea dagarrri
·Osagarriak: teontziak,
katiluak, infusoreak....

**Oparitzeko
neurria
egindako poltsak!**

Probaleku 4 bis, 943 03 15 81